



01
2053
PB-211

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 01-04-8708-211/25 O.DŽ.
Sarajevo, 05.06.2025.godine

Federacija Bosne i Hercegovine
SKUPŠTINA KANTONA SARAJEVO
Ul. Reisa Džemaludina Čauševića br. 1
71 000 Sarajevo

PREDMET: Obavijest, dostavlja se

Veza: Vaš akt broj; 01-04-8708-2/25 od 14.03.2025.godine

Poštovani,

Ured za borbu protiv korupcije Kantona Sarajevo (u daljem tekstu: Ured), shodno Uredbi o osnivanju Ureda za borbu protiv korupcije Kantona Sarajevo („Službene novine Kantona Sarajevo“ broj: 07/24) i Zakonu o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22, 44/22 i 52/22) nadležan je, između ostalog, za preduzimanje aktivnosti na prevenciji korupcije, prikupljanju podataka i informisanju nadležnih o uočenim radnjama koje mogu imati koruptivne elemente, kao i za kontrolu javnih nabavki koje provode ugovorni organi čiji je osnivač Kanton Sarajevo.

Ured je dana 19.03.2025.godine zaprimio Vaš akt, broj i datum veze, označen kao zastupničko pitanje, a koji se odnosi na nabavku 100 kontejnera - Sporazum o poslovnoj saradnji koji je zaključen između K.J.K.P. RAD d.o.o. Sarajevo i privatne firme EKOPAK d.o.o. Sarajevo. S tim u vezi, Ured je Zahtjevom od 25.03.2025.godine zatražio dostavljanje dokumentacije i informacije, koja se odnosi na predmetnu nabavku.

Dana 21.04.2025.godine zaprimljena je Informacija od strane K.J.K.P. „RAD“ d.o.o. Sarajevo broj: 02-03-07-2179/25 u kojoj je decidno navedeno: „obavještavamo vas da nije provedena javna nabavka za traženo“.

Aktom broj: 20-04-10451-2/25 od 26.05.2025.godine Ured je urgencijom zatražio dostavljanje Informacije da li postoji potpisan Sporazum sa preduzećem Ekopark d.o.o., da li je prije potpisa Sporazuma naručeno 50 žutih kontejnera za plastiku i metal i 50 kontejnera za papir i na taj način da li je K.J.K.P. RAD d.o.o. Sarajevo prvo pristupio realizaciji pa tek onda potpisu Sporazuma/Ugovora, zatim koliko je realizovani posao koštao K.J.K.P. RAD d.o.o. Sarajevo, te da li je Nadzorni odbor nadgledao i odobrio donošenje i realizaciju odluke o nabavci kontejnera.

Dana 29.05.2025.godine Ured je zaprimio Informaciju u kojoj je navedeno:

1. „ K.J.K.P. RAD d.o.o. Sarajevo je dana 14.02.2025.godine sa društvom Ekopak d.o.o. Sarajevo potpisao Ugovor o poslovnoj saradnji broj 2160/25, koji je za predmet imao nabavku 100 komada plastičnih kontejnera (50 žutih za plastiku i metal i 50 plavih za papir), koje će za K.J.K.P. RAD d.o.o. Sarajevo nabaviti, finansirati i brendirati Ekopak d.o.o. Sarajevo o svom trošku.
2. K.J.K.P. RAD d.o.o. Sarajevo nije niti jednim službenim aktom prije potpisivanja naprijed navedenog Sporazuma naručio 100 plastičnih kontejnera. Do dana potpisivanja Sporazuma vršili su se pregovori o potrebama koje se odnose na vrstu kontejnera, te prikupljanju informacija o visini troškova nabavke kontejnera, što se niti u jednom smislu ne može smatrati realizacijom Sporazuma prije njegovog potpisivanja od strane sporazumnih strana.
3. K.J.K.P. RAD d.o.o. Sarajevo nije imalo finansijskih troškova pri realizaciji ovog Sporazuma, budući da je članom 2. Sporazuma propisano da će Ekopak d.o.o. snositi troškove nabavke i transporta kontejnera, kao i troškove naljepnica za brendiranje kontejnera, te iste, bez bilo kakve naknade od strane ovog preduzeća predati u upotrebu K.J.K.P. RAD d.o.o. Sarajevo.
4. Shodno važećim propisima, za realizaciju i valjanost Sporazuma o poslovnoj saradnji, nije propisana obaveza odobrenja i praćenja realizacije od strane Nadzornog odbora“.

S poštovanjem,

Dostaviti:

1. Naslovu
2. A/a



ŠEF UREDA

Erduan Kafedžić